

PRIMERA CARTA DEL APOSTOL SAN PABLO A TIMOTEO

Pablo embesa Timoteo je

¹ Pablo rei se. Jesucristo chimbaaquiatu, Jesucristo chimondo. Dios abe chimondo. Dios ae nanderirõ nguiã nandëicuã si. Jesucristo chõ nandesaarõ arõ nguiã ã. ² Aico ã mbesa ndeje a, Timoteo. Secheẽ nguire chõ ereico nguiã Jesús icua aque. Nyebe aico nguiã seriirĩ i ndeje co. Dios rei nanderu. Jesucristo rei nandererecua. Sã ãquĩ turã mbei riqui ndeje. Sã ãquĩ ia eã mbei riqui nderese. Sã ãquĩ nembia tuchi.

Emo ndiqui mbia mbaaquiatu icuã icuã ã, i Pablo

³ Sã acheẽ ndeje seso mose Macedonia no. “Efeso eico” ae que ndeje, huee bei chõ eico. Ae ñee ñooño nguia mbia mbaaquiatu icuã icuã hue nae, ãquĩ ñee embutiba. ⁴ ãquĩ siqui bei quia mbia cheẽ ima nenei nenei mbia je ãquĩ. ãquĩ siqui bei quia amei cose ndare nenei nenei mbia je ãquĩ no. ãquĩ ñee embutiba. ãquĩ ñee icuã icuãte quia ãquĩ. ãquĩ ñee ño mbia mbicuã icuã nguiã nyue. ãquĩ ñee nda aba mbaaquiatuã Dios rĩ. ãquĩ mose Dios icua aroneate. ⁵ Sã hue jenda turã mbei riqui Dios je jẽ. Sã hue jenda riqui ndua turã mbei jẽ. Sã hue jenda riqui Dios icua tuchi jẽ. Nyesecua tuchi nda nyiese cote chã. ⁶ Mbua hue jenda mo ndiqui tesarei Dios cheẽ si ãquĩ. Dios cheẽ abi abi. Ñee

ñoño mbei equia nyue ùqui. ⁷ Moisés cheẽ ndese mbia tambaaquiato, i raque equia ùqui. Moisés cheẽ icua rocoĩ. Eaquiato rocoĩ. Echeeño ño ñene.

⁸ Dios que Moisés mbucheẽ turã mbia je ra. Mbia icuã je que embucheẽ nda. Mbia mundua sacua huicuã ndese. ⁹ Mbia turã je eã ngue Dios Moisés mbucheẽ nguiã. Mbia turã je eã ngue Dios ley m# nguiã. Dios cheẽ mumbasa je chõ ngue em# nguiã. Mbia icuã je. Dios quiatoã je. Mbia teã teã je. Usi ucuãysa je. Ngu abe ucuãysa je. Mbia iquiasa je. ¹⁰ Ucheẽ mumbasa je chõ ngue Dios ley m# nguiã. Ae siqui quia emo ninisi rese, ùqui je. Ae eninisirã saã saã nguia nguesenda mo je, ùqui je. Mbia rirõsa je abe no. Ñeeñoñosa je abe no. Ae eicuã icuãte riqui Dios cheẽ turã je, ùqui je abe no. Ùqui ja je chõ ngue Dios ley m# nguiã. ¹¹ Dios que ñee ucheẽ turã n# seje ra. —Secheẽ esenei senei mbia je, i que Dios seje ra.

Dios que uturã teacuquia seje ra, i Pablo

¹² “Coche ñene” ae se quia Jesucristo je co. Ae que seirabo ra. Ae que sembuquirãcuã nda. Ae que semondo ucheẽ nenei nenei sacua mbia je ra. ¹³ Seicuã tuchi raque ee nyii. Acheẽ icuã icuã ndei que se quia ee nyii ra. Equiato je abe que seicuã icuã ndiqui nyii ra. Se Jesús icuayã mose. Seaquiatoã mose. Nyebe Dios ia eãte riqui nguiã serese. Nyebe Dios seicuã mbutiã nguiã sesi cote. ¹⁴ Uturã ngue eteacuquia seje ra. Nguiirĩ ngue embuchecua seje ra. Nyebe aico nguiã Jesucristo icua co cote. Nyebe aico nguiã nyesecua Jesucristo rese co cote. ¹⁵ Jesucristo que tu íbii ra. Mbia icuã

mbitirõ sacuã. Emingo bei nonde. Ichõĩñoa tuchi chõ ã nde. Sã mbia “ae beite” i ja ã je. Seicuãte raque se quiatu mbia ja si. ¹⁶ Dios ia eãte que eriqui serese ra. Eroseĩ nguiatu tuchi que eriqui seje ra. Nyebe mbia riqui nguiã jirandu ja Dios roseĩ nguiatu rese. Sã Dios semingo bei se abe, i chee ra emo abe ñee ñee. Dios roseĩ nguiatu rese jirandu mose. ¹⁷ Sã mbia riqui ñee turã mbei Dios je. Ae mii ño mbia rerecua tuchi re. Ae mii ño siqui bei tuchi nguiã co. Ae mii ño ererecua nandemae sayã nde. Ae mii ño mbae icua tuchi nguiã. Amén. ¹⁸ Timoteo, seriirĩ na tuchi chõ nde re. Dios cheẽ mbuchecuaasa que sembiirandu nderese nyii ra. Nyebe aico nguiã ñee tuchi ndeje ũquĩ ñee na si. Mbae icuã esiquisã quisã mbei chõ nguia Jesús quiato si jẽ. ¹⁹ Dios eicua tuchi quia jẽ. Erendua ata atate chĩ nda jẽ. Mbae turã ndese chõ eico. Emo emo ngue ndua chooño mbei quia ra. Mbae turã naa naa ndocoĩ. Nyebe eriqui nguiã siqui icuã icuã mbeite. Nyebe tesarei nguiã Dios cheẽ si cote. ²⁰ Eĩ ngue Himeneo nda. Alejandro abe no. Nyebe ngue amondo nguiã Satanás je. Ndua ndua sacuã. Ñee icuã icuã eã sacuã Dios riĩ.

2

Sã mbia ñee turã ja Dios je, i Pablo

¹ ã tacheẽ Jesús quiato ja je: Mbia ja riĩ jẽingo bei ñee Dios je. ¶ nda Dios uturã mee mbia je. Gracias jenyẽ bei quia Dios je mbia ja riĩ. ² Ae ererecua nae, ũquĩ ja riĩ abe jẽingo ñee mbei Dios je. Dios uturã mee sacuã ee. Ũquĩ mose ra nandeico turã ja cote. Ũquĩ mose ra nandeya bei nandeico cote.

Ūquĩ mose ra nandeico tuchi Dios rese cote. ³ Ūquĩ mose ra Dios abe ia tuchi nanderese. Eicuã si mbia rirõsa chõ ae re. ⁴ Dios mbia rirõ ja sete quia eicuã si co. Dios mbia mbaaquiatsu quiatsu sete quia co no. ⁵ Dios mii ño siqui nguiã co. Mbia que icha icha jate esi ra. Jesucristo mii ño siqui nguiã mbite re co. Mbia mbucha sacua Dios rese. Mbia sí chõ ae re. ⁶ Jesucristo que mano mbia icua ndiquicharõ sacua nda. Ūquĩ ndese que Dios mbia mbiirandu cote ra. ⁷ Ūquĩ nii ngue Dios seirabo ra. Semondo que judíos eã je embaaquiatsu quiatsu sacua nda. Ūquĩ Dios icua sacua ngue Dios cheẽ asenei senei ee ra. Ae bei. Acheẽ ñooñoa ño nguiã co.

⁸ Sã mbia ja riqui ñee mbei Dios je. Sã o mumbate ñee Dios je. Sã eriqui turã ja. Sã paama iã mbei nyue. ⁹ Sã cuña abe riqui siqui mingue. Sã eriqui ndua tuchi eã jiri huirao rese. Uachu rinda hui rese abe. Ua rese abe no. Lujo rese abe no. ¹⁰ Sã eriqui quiatsu ndua Dios rese. Sã eriqui mbae turã naa naa mbia je. ¹¹ Sã cuña quiriri chõ nguia mbia ñumunua mose. Sã eriqui nyiisaquia turã. Sã eriqui mingue. ¹² Mbia ñumunua nua mose, cuña mbia mbaaquiatsu quiatsu aroneate. Sã cuña mo ererecua raã naa eã ngu je. Sã eriqui chõ nguia quiriri. ¹³ Adán nane nguiatsu ngue Dios chao nguiã. Aquere quiatsu ngue Eva ao nguiã cote. ¹⁴ Adán nane eã ngue Satanás mbirĩ irĩ nda. Eva rane nguiatsu ngue re. Eva rane ngue mbae icua saã nyii ra. ¹⁵ Dios ra paama i bei eã cuña je. Nguiĩ nderequia turã mose. Dios icua mose. Siqui tuchi mose Dios rese. Nyesecua mose mbia rese.

3

Sã Jesús quiato rerecua siqui turã

¹ Acheẽ ñooño eã ño se re. Jesús quiato reaquiату sacua ño taico se, i mose emo, eturãte ũqui. ² Sã Jesús quiato rerecua riqui siqui turã mbei. Mbia ñee eã sacua ee. Sã ngũinisi mii ño nderequia. Sã eriqui ndua turã turã mbei. Sã earacua tuchi riqui. Sã eriqui mbia isi turã turã mbia mo oso mose echuchúaa. Sã eriqui mbia mbaaquiату quiату aracua. ³ Sã eriqui quiacuayã. Sã eicuã icuã eã mbei riqui emo je. Sã eriqui oo tuchiã mbae isiquia rese. Sã eriqui ico mingue. ⁴ Sã eriqui mbia uchuchua jenda rerequia turã. Sã eriqui nguiirĩ mbaaquiату quiату turã. Aba cheẽ mumbayã sacua. † nda eriiirĩ eĩ ñooño eã mbia je. ⁵ Nguiirĩ ndea chooño mose, Dios quiato reaquiату turã aroneate. ⁶ Ae Jesús icua ramote nae, Jesús quiato rerecua aroneate ũqui. Ũqui mose ucuasu raã naa arõte. Eicuã arõte cote. Sã Satanás abe ucuasu raã naa ñimb#cuã nonde no. ⁷ Sã Jesús quiato rerecua riqui siqui turã mbei Jesús quiatoã abe je. † nda diablo emb#irĩ irĩ eã emb#cuã. † nda Jesús quiatoã ñee turã mbei erii.

Sã diáconos siqui turã

⁸ Diáconos je abe tacheẽ. Sã diáconos abe siqui turã. Sã eriqui ucheẽ mbuchebiã mbae raã nonde. Sã eriqui quiacuayã. Sã eriqui oo tuchiã mbae isiquia rese. ⁹ Sã diáconos siqui eã tuchi mbae icuã mo ndese. Sã Dios mii ndese quiату eriqui bei. Sã Dios icua tuchi. ¹⁰ Ae ra diácono nae, sã mbia mae na nguiату erese nyii. Eturã mose mbia je, sã diácono ae cote. ¹¹ Sã diácono ninisi abe

riqui siqui turã mbia je. Sã mbia mbucheẽ ñee eã emo nã. Sã eriqui quiacuayã. Sã eriqui ucheẽ mbuchebiã mbae raã nonde. ¹² Sã diácono ngũinisi miñ ño nderequia. Sã eriqui nguiirĩ nderequia turã. Uchuchua jenda ja abe no. ¹³ Diáconos mbae raã turã turã mbeĩ mose, mbia ra eicua tuchi cote. Dios abe ra embuquirãcuã tuchi Jesucristo renei nenei sacuã mbia je.

Ae Dios saã nande je, ñquĩ aba icua ja aroneate raque

¹⁴ Seso jeise rete raque nderea. Seso eã moi ño aico nguiã co mbesa ndeje a. ¹⁵ Nde Jesús quiato rerecuarã irabo aquiatu sacuã ño aico nguiã ã mbesa ndeje a. Iglesia jenda rerecuã irabo sacuã. Dios reco mbae rei iglesia. Iglesia quia rei Dios cheẽ nderequia tuchi mbia ja je. ¹⁶ Ae Dios saã nguia nande je nae, ñquĩ aba icua ja aroneate raque:

Dios que tu mbiarã íbii ra. Jesús, i equia ee.

“Eturã tuchi” i que Espíritu Turã erĩñ nda.

Angeles abe que mae erese ra.

Ae Jesús quiato nae, ñquĩ ngue esenei senei mbia ataque je ra.

Mbia mangue chooñoa jenda ja que eicua ra.

Aquere que Dios equeraobe ibate cote ra.

4

Mbia ra hui hui Dios cheẽ si

¹ Espíritu Turã ndiqui ñee co: Mbae ua ja nonde ra mbia hui hui tuchi Dios si. Aba mbiirĩ irĩsa rese ra mbia riqui tuchi. Ñquĩ nda mbia mbaaquiātu icuã icuã aba checuayã icuã na. ² Ae uturã saã

saã nguia nae, ùquĩ ndui rui ra mbia riqui. Ae ñee ñooño nguia nae, ùquĩ ndui rui ra mbia riqui no. Ûquĩ siqui beite mbae icuã ndese ùquĩ. Nyebe eriqui nguiã mbae turã icuayãte chee cote. ³ Ûquĩ nda mbia mbaaquiato icuã icuã. Jeninisirã nda jendecoã. Jendurã abe ra jendecoã no, i ra equia ñee mbia je. —Mbae ra jëu chooño chí jë, i ra equia mbia mbaaquiato icuã icuã. Dios mbae chao ja raque mbia chíurã. —Sã sequiato mbae ja u, gracias ire seje, i que Dios ra. ⁴ Dios chíao mbae turã ja. Mbae nandeisi teã teã eã ño nguia echiao. Mbae nandeu turã ja chõ nguia. Gracias nande bei chõ nguia Dios je. ⁵ Dios cheë nguire mbae turã ja riqui nandechíurã ã. Nande “gracias” i mose Dios je, mbae turã ja chõ eriqui nguiã nande je.

Jesús quiato rerecua turã

⁶ ã secheë esenei senei mbei quia Dios quiato je, Timoteo. Nde mbia mbaaquiato turã turã mose. Dios rimba turã tuchi ra nde cote. Jesús cheë ndui ra ereico tuchi cote. Dios ra ereicua tuchi cote. Sã ereico beite erese co no. ⁷ Mbia cheë ñooño je cheë ndese ra erechiisaquiachí jë. Echimbirãcuã tuchi quiato quia siqui Dios rese jë. ⁸ Nanderete quirãcuã mose, eturãte raque. Nandeico mose Jesús rese, ùquĩ nguiato eturã tuchi nanderete quirãcuã si re. Achõ eã nandeico Jesús rese. Ibate abe quiato nandeico erese. ⁹ Acheë ñooño eã ño se re. Sã mbia “ae beite” i ja secheë je. Dios cheë ño ñene. ¹⁰ Dios cheë ñi ño ureico nguiã quicoi coi ã. Dios cheë ñi ño ureico nguiã ñimbirãcuã mbae ja rese ã. Dios reco quiato ureicuate nguiã ã. Ae que

mano mbia ja je ra. Ae eicuate quia nae, ãquĩ nda emingo bei.

¹¹ ã esenei senei mbei quia mbia je. Mbia Dios cheẽ mumbayã sacua. ¹² Sã mbia ndecheẽ andu turã. Amei eã ndaque nde. Mbae turã esaã saã nguia Jesús quiato résaa. ãquĩ siqui turã sacua nde rã si. Echeẽ turã mbei quia mbia je. Eico turã mbei quia mbae turã ndese. Echesequa tuchi quia mbia rese. Dios eicua tuchi quia. Mbae icua ndese ra eremae mae jirichĩ. ¹³ Mbia embaaquiato quiato bei quia seso mose chee nderea. Dios cheẽ esenei senei mbei quia leer i ee. ¹⁴ Jesús quiato rerecua o chono mose ndearõ, aque mose que Dios nembraacua tuchi ra. —ã esaã, i que ndeje ra. ãquĩ si ra eretesareichĩ. ¹⁵ ãquĩ ndese eico bei. Endua ndua bei quia erese. ãquĩ mose ra Dios ereicua i i tuchi. Mbia ra jirandu ja nderese. ¹⁶ Emae ño nguia nde ae ndechiese. Echicuasẽ cuasẽ ño nguia mbae icua si. Ae eresenei senei nguia mbia je Dios cheẽ nae, ãquĩ emumbayã ño nguia nde abe. ãquĩ mose ra Dios nemingo turã tuchi. Ndecheẽ andusa abe ra emingo turã tuchi.

5

Jesús quiato siqui turã sacua

¹ Erecheẽ icua icuachĩ nda amei je nde embaaquiato quiato mose jẽ. Amei embaaquiato turã turã ño nguia jẽ. Nderu esaã ño nguia siqui turã ee. Ndenongue rã ño eico mbia yasu je no.

² Ndesi esaã ño nguia ari je jẽ. Ndenongue esaã ño nguia ubichõ nyucuaaque rese jẽ. Endua

icuã icuã eã ño nguia eriĩ jẽ. ³ Eru cheecha mo mbae eã mose, sã Jesús quiato riqui mbae mo mee mee ee. ⁴ Eriirĩ tiarõ mose, sã aque chõ mbae mee mee mbei quia usi je. Eriirĩ nducucha mose, sã aque chõ mbae mee mee ee no. Ngu abe je. Umumbebosa je. Ñquĩ Dios bite. ⁵ Sã eru cheecha mo ae riqui no. Sã embae eãte riqui no. Ae ndua ndua bei mose Dios rese, ñee mbei mose Dios je, sã Dios quiato riqui mbae mee mee mbei ee. ⁶ Ae ebite nae, ñquĩ ndese achõ eru cheecha mo siqui mose, eicuãte ñquĩ. Eraaque rã ño aque riqui nguiã. Eresco siqui raque. ⁷ Ñ esenei senei nguia mbia Jesús quiato hue jenda je. Ñnda mbia ñee icuã eã eriĩ. ⁸ Emo ndua eã mose usi rese, ngu abe rese, eicuãte ñquĩ. Mbae mee mee eã mose ee, eicuãte ñquĩ. Ñquĩ siqui ãte quia Dios rese ñquĩ. Eicuã tuchi chõ ñquĩ Dios quiatoã si re.

⁹ Ari eru cheecha je inscribir jenyẽ rã mámbii. Ae sesenta años eãte nae, ñquĩ je inscribir jenyẽ eã. Ae eru ata nyii nae, ñquĩ je inscribir jenyẽ eã no. Ae eru mii nyii nae, ñquĩ mii je chõ inscribir jenyẽ. ¹⁰ Ae ari turã aba chiicuate nae, ñquĩ achõ je chõ inscribir jenyẽ. Ae ari nguiirĩ mbutiarõ turã mbeite quia nae. Ae ari mbia isi turãte quia uchuchúaa nae. Ae ari mbae turã saã saã mbeite quia Jesús quiato je nae. Ae ari erasi teaquiato turã mbeite quia nae. Ae ari siqui beite quia mbae turã ndese nae. Ñquĩ ari je chõ inscribir jenyẽ. ¹¹ Eru cheecha ari eã mose, ñquĩ je inscribir jenyẽ eã. Ñquĩ nyao arondete Cristo si. Ae ebite, ñquĩ achõ ndese ndua mose. —Serurã mo tateabe, i ra cote. ¹² Ñquĩ

mose ra Dios paama i ee. Ucheẽ mbuchebi chõ nguiã ngu rea mose cote. ¹³ Eru cheecha ari eã mose, siqui eã arõte mbae mo ndese. Tuchua embuchesea sea chooño arõte. Mbia mbucheẽ ñee ñooño arõte emo nii. Uchuru rerequia chooño eã arõte. ¹⁴ Nyebe aico nguiã ñee eru cheecha, ae ari eãte, ãquĩ je. Sã ngurã mo ndea. Sã tiirĩ. Sã eriqui mbae turã naa naa mbei uchuchúaa. ãquĩ mose ra Jesús quiatoã ñee eã ee cote. ¹⁵ Emo emo ngue nyao Dios si cote ra. Satanás ndese eriqui ã cote. ¹⁶ Sã Jesús quiato riqui mbae mee mee uchari eru cheecha je. Usi ábe je eru cheecha mose. Iglesia mbae mee mee eã sacua ee. Ae eru cheecha eriiriãte nae, ãquĩ je quiatu iglesia mbae mee mee.

¹⁷ Jesús quiato rerecua mbae saã turã turã mbei mose, sã mbia ia tuchi riqui erese. Dios cheẽ nenei nenei turã mose, sã Jesús quiato riqui mbae mee mee mbei ee. ¹⁸ Sã embesa ji riqui ñee no: “Emo nimba ticuasú mbae usi raã mose, echuru ra jenyatichĩ mbae mo je jẽ. Sã ae ae si quia quiaru quiaru”, i que embesa ji ra. “Ae quieĩ quieĩ quia emo je nae, sã echa mbae isiquia mo mee ee”, i que embesa ji ra. ¹⁹ —Jesús quiato rerecua que mbae icua saã nda, i mose emo, echeẽ nda jeñanduchĩ, ae mii ñee mose. Nyeremo ñee mose, ãquĩ ñee ñooñoa arõte cote. ²⁰ Jesús quiato rerecua mo siqui siqui bei mose mbae icua ndese, echeẽ asi asi ee Jesús quiato ataque résa. I nda ãquĩ ábe siquiche mbae icua naa naa eã. ²¹ Eĩ ere chõ Jesús quiato rerecua je, siqui mose mbae icua ndese. Ndequiatote raque. Echeẽ asi ee. Aico ñee ndeje

Diosa a. Jesucristo sa abe no. Angeles Dios rimba sa abe no. ²² Jesús quiato rerecuarã nda eremii jeichĩ jẽ. Emae nguiatu turã na erese nyii. Emii jei mose, eicuã arõte emo mose. —Eremii jeichĩ ngue nyii ra, i ra mbia ñee ndeje cote. Mbae turã ndese chõ eico nde abe.

²³ I achõ nda erembeichĩ jẽ. Uva rique rasi ñetẽ abe embei mbei quia nderie rasi mose jẽ.

²⁴ Emo emo nyisaã mbae icuã nyecuate riqui nande je ã. Emo nyisaã icuã ndese quia nandeico nguiã mae ãte namo. Dios eicuã mbasi mose, aque mose ramo nda nandemae ùquĩ nyisaã icuã ndese cote. ²⁵ Eĩ si chõ mbia chisaã turã no nde. Emo emo nyisaã mbae turã nyecuate riqui nande je ã. Emo nyisaã turã ndese quia nandeico nguiã mae ãte raque ã no. Echisaã turã nda nyecua ja chee nande je cote.

6

¹ Ae Jesús quiato ererecua rimba mo nae, sã ùquĩ ndiqui nguerecua cheẽ mumbayã tuchi. Sã eriqui turã nguerecua je. Eĩ mose ra mbia ñee icuã eã Dios cheẽ ñii cote. ² Timoteo, mbia rimba embaaquiatu quiatu quia. ã echeẽ ee. —Jenderecua Jesús quiato mose, echeẽ jemumbayã ño nguia mbae raã turã turã ee. “Jesús rimba ja chõ nandre” jenyechĩ nda jenderecua ucuãyã cuãyã jẽ. Jenderecua Jesús quiato mose, mbae jẽsaã turã tuchi quiatu quia ee. Jẽingo turã tuchi chõ nguia ee, ere ererecua rimba je ñee.

Nandendua tuchiã jiri quiatu quia mbae isiquia rese

³ ã ndei Jesucristo cheẽ tuchi ã. Emo siqui mose ã ndui, siqui turã nda Dios rã si. Emo mbia mbaaquiato quiato mose ã abi, Dios cheẽ ndui eã ño ãquĩ ndiqui nguiã. ⁴ Ucuasu raã naa ño nguiã ãquĩ. Ñee tuchi beite equia ãquĩ. Eaquiato rocoĩ. Mbia mbicuã icuãte equia ãquĩ. Mbia mbucheẽ icuã icuãte equia nyue ãquĩ. Mbia mu-mae icuã icuãte equia nyese ãquĩ. ⁵ Ndua icuã icuã mbeite equia ñee turã ndocoĩ ãquĩ. Eicuã icuã mbeite riqui emo je ãquĩ. —Mbia ra mbae isiquia mee seje, se Dios cheẽ nenei nenei mose ee, i beite equia ãquĩ. ãquĩ ndese eicoã tuchi, Timoteo. ⁶ Nandeico mose Dios rui, ae ae ra nandembia nandembae mi ndese. ⁷ Mbae mo ngue nanderuãte nandechaacuquia mose ra. Eĩ nande si ra nandemano mose mbae mo nderao eã no. ⁸ Nandechiurã nandereco mose, nanderao abe nandereco mose, nandeya chõ nandeico ãquĩ ndese. ⁹ Ae “mbaecha tuchi ra se” i bei quia ndua ndua, ãquĩ nda nimbirãcuã eã mbae icuã si. Mbae icuã tã i mose ee, mbae icuã nda esaã jei. Mbae Isiquia quiato ebi tuchite riqui nguiã. Echiosei osei icuã nda equerao chee tata cuásuu. ¹⁰ Ae ndua beite quia mbae isiquia rese, ãquĩ mbae icuã saã ja arondete. Emo emo ndiqui ndua tuchi mbae isiquia rese ã. Nyebe eriqui nguiã hui Dios si ã. Nyebe eya eã ndasi tuchi riqui nguiã ã.

Dios eicua tuchi, i Pablo ñee Timoteo je

¹¹ Eĩ erechĩ nda nde, Timoteo. Dios rimba tuchi chõ nde re. Mbae turã ndese bei eico. Dios rã mbei chõ eico. Dios eicua bei chõ nguia. Ech-secua bei chõ nguia mbia rese. Eico mingue

chõ nguia. Ndecuasú ra eresaã saãchĩ nguia jẽ. ¹² Echĩmbirãcuã tuchi quiatu quia Dios cheẽ ndese jẽ. Aba mingó beisa rese quia eico tuchi jẽ. Ae quia ngue ndeirabo nguĩ nyii. Sã erecheẽ turãte mbia résaa nyii no. —Dios riqui semingo beite co, ere que equia nyii. Ñquĩ ndese bei chõ eico. ¹³ Dios ae chõ mbae mingó ja nguĩ co. Erésaa tacheẽ ndeje. Jesucristo résaa abe tacheẽ ndeje. Sã Jesucristo siquicheã ñee Poncio Pilato je no. ¹⁴ Ae rĩ Dios ñee ndeje nae, ñquĩ emumbayã ja chõ nguia eraã turã. Jesucristo tu mose chee eico echeẽ mumbayã mbei. † nda emo ñee eã ndeje. ¹⁵ Dios quia rei equirãcuã tuchi mbia mo si. Ae quia ererecua tuchi mbia mo si re. Emo mose ra Dios “Jesucristo tamondo íbii mbia rea” i. Aque mose ra Jesucristo nyecua tuchi mbia je. ¹⁶ Dios mii nda manoa. Ae mii ño siqui bei nguĩ nyaashĩ na co. Mbia mo nda esichã eã. Mbia mo mae eãte erese emo mose. Emo nda mae eã mbei erese. Sã mbia ñee turã mbei quia erii. Sã eriqui ñee turã mbei equirãcuã nii. Amén.

¹⁷ Ae mbaechate nae, ñquĩ je echeẽ. Sã ucuasu raã naa eã. Sã eya siquiã umbae mii ndese. Embae ra ua emo mose. Sã Dios rese quiatu eya riqui. Ae mii ño mbae mee nguĩ nande je. ¹⁸ Echeẽ mbaecha je. —Mbae turã jẽsaã saã mbei quia jembae je jẽ. Jẽingo turã jiri quia mbaecha reã je. Abei chiãte ra jẽingochĩ jẽ, ere mbaecha mbaaquiatu quiatu. ¹⁹ Ñquĩ naa naa mose ra Dios mbae mee tuchi ee ibate. Ñquĩ naa naa mose ra siqui turã tuchi no.

Pablo ñee hui bei Timoteo je

²⁰ Timoteo, ae rĩĩ Dios ñee ndeje, ũquĩ emumbayã mbei quia. Mbia ñee ñooño mose nyue, nde abe ra erecheẽchĩ. Ũquĩ ñee aba mundua turã eã ño nguiã. Uaquiatu raã naasa chõ ũquĩ nde. ²¹ Dios cheẽ abi chõ eriqui nguiã ũquĩ naa naa ũuuuuu uuuquĩ. Dios icuasa reã ño ũquĩ nde. Sã Dios turã ndiqui bei ndeje. mén.

Mbia Cheë **New Testament in Sirionó (BL:srq:Sirionó)**

copyright © 1977 Wycliffe Bible Translators, Inc.

Language: Sirionó

Translation by: Wycliffe Bible Translators, Inc.

Sirionó [srq], Bolivia

Copyright Information

© 1977, Liga Bíblica Mundial del Hogar. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Sirionó

© 1977, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
eb2687f2-4654-5d43-8ec2-3ee35e8a435e